

鳥

鳳岡林先生全集附錄

年譜行狀  
碑銘輓詩跋

和書門			
三	二	一	類
一	八	〇	三
二	二	一	三
六	七	一	冊
七	七	一	架

內閣文庫			
二	三	和	
五	一	書	
函	八	〇	
一	七	三	
九	七	冊	
架	一	號	



內閣文庫	
番號	和 31803
冊數	67 ( 7 )
函號	205 176



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



圖 165

朝散大夫内史鳳岡林先生年譜

男 朝散大夫國子祭酒林信充 謹書

正保元年甲申十二月十四日生武州忍岡茅宅名幼

又四郎蓋弘文院學士春齋第二男名驚字直民號

整字又曰鳳岡又曰雞窓母倉橋氏女千子此時父春齋二十七歲



二年乙酉先生二歲

三年丙戌先生三歲

四年丁亥先生四歲

慶安元年戊子先生五歲

二年己丑先生六歲秋夕妹生



三年庚寅先生七歲八月七妹生

四年辛卯先生八歲大猷大君薨

承應元年壬辰先生九歲

二年癸巳先生十歲

三年甲午先生十一歲預家業之事始作詩與兄春信名幼

又三郎名 愬字孟著竝據几案師之從之

明曆元年乙未先生十二歲

二年丙申先生十三歲

三年丁酉先生十四歲正月二十三日祖父羅山道春卒

享年七十五歲 私謚文敏先生

萬治元年戊戌先生十五歲

二年己亥先生十六歲

三年庚子先生十七歲

寬文元年辛丑先生十八歲

二年壬寅先生十九歲

三年癸卯先生二十歲三月十七日夕妹没十二月二十

六日父春齋叙法印賜弘文院學士号

四年甲辰先生二十一歲八月十五日始登城拜謁

五年乙巳先生二十二歲

六年丙午先生二十三歲九月朔日兄春信卒享年二十四 私謚頴定先

生自是先生以儒為任十二月二十三日始賜年俸三百俵先生改名稱春常

七年丁未先生二十四歲十一月二十八日娶畠山民部入

道休山女夏子

八年戊申先生二十五歲

九年己酉先生二十六歲

十年庚戌先生二十七歲六月二十六日東方白而日出之時嫡男生矣岳翁休山以祖父少名自書吉松二字

授之此年本朝通鑑編輯成矣此書寬文四年改編年錄蓋執政元老議之同年十一月起之三百卷雖不預先生之事然一家大業故畧書之耳凡三百

十卷春齋獻之加賜采地二百石合前所賜之九百石總千百石

云且新賜九拾五口月俸以為勤云公事聚諸生之料今年先生作詩經私考

十一年辛亥先生二十八歲正月先生講詩經四月先生蒙命從小田原拾遺赴日光山依大猷大君二

十一回御忌辰也

十二年壬子先生二十九歲十二月二十八日先生叙法眼

位

延寶元年癸丑先生三十歲

二年甲寅先生三十一歲七月九日二男生稱藤松先生講

詩經畢

三年乙卯

先生三十二歲

春先生講書經有重考

四年丙辰

先生三十三歲

五月二日藤松夭

五年丁巳

先生三十四歲

六年戊午

先生三十五歲

八月先生講書經畢十一月先生

開周易本義講筵

七年己未

先生三十六歲

八月十一日側室產一女稱蘭娘

十一月春齋臥病踰月困勞掌法眼溢江長怡藥

幸不至危急然自覺不能復本云

八年庚申

先生三十七歲

正月春齋病自若不能登

營在

禱就枕故致仕之志史于此二月辭長怡療賴典

藥頭橋玄淵藥乃使阿倍政長

俗名四郎

就松平因

幡守信興石川美作守乘政請致仕

兩人麾下執事也因幡守

爲當於是二十三日命家督于先生自是養老閑

居召先生于膝下諱曰他日汝爲我作年譜以是

爲階梯刪繁撮要而可也乃把所撰之書示先生

先生不能答矣及夏之初病痾再發逐日增重以

五月端午卒于正寢

享年六十三私謚文穆先生

此日 嚴有

大君不例危也養 館林宰相綱吉公乃任大

納言入二之丸城而八日

大君薨去先生常語

曰僕居大喪不日遇國哀服次無聊追先考之志  
 作居喪日錄別記詳之今年八月二十三日 常憲大  
 君任征夷大將軍先生謂國家轉凶為吉之時也  
 自是日日奉仕無懈 息遇優渥以再興一家業  
 也 閏八月二日依 台命入御文庫改正書目  
 携男吉松時十一歲及一二門弟從行訂書目與池田  
 勘兵衛為御書物奉行日日參會而相議十二月二十一  
 日男吉松依家例改名又三郎先生嘆曰今歲云  
 殫喪父未幾復遇 國哀 官私大變無言可及  
 新大君繼世之後世態日新有榮有衰豈啻是時

而已哉振古然只期教令休明萬邦懷化為太平  
 一民也

天和元年辛酉

先生三十八歲

七月三日三男生以月日稱

名七三郎母同蘭娘

內田氏某名瀧子

嫡室畠山夏子養之

今年秋又三郎稱春宗先生自是近侍屢有恩遇  
 不遑枚舉

二年壬戌

先生三十九歲

有朝鮮人來聘儀預蒙可掌事之

命於是執政曰可用寬永癸未明曆乙未之式云  
 八月朝鮮國正使尹之完副使李玄碩從事官林  
 詠入江府本誓寺而進士成翠虛李鵬溟學士洪

滄浪從來矣邂逅贈答多日 大君 儲君返翰

別幅及執政答書悉作草出于先生之一手事畢

拜領時服二領 此時春宗十三歲與韓使贈答咸嘆不忝家聲也 今年春

作祠堂于采邑二瀨村遷顯祖顯考肖像

三年癸亥 先生四十一歲 七月二十五日蒙 命讀御條目

因賜時服二領二十六日又讀之 初日者貴族列侯一萬石以上

輩後日者旗 有參河記編集之事講周易本義畢

貞享元年甲子 先生四十一歲 講胡傳序自是每月不絕三

月老臣傳 命預萬石以上御朱印之事今年出

先考家稿分配門生而寫之有鏤梓之志此際無

朝無夕無晝無夜登 營近候 御前一夜有

命日未見汝作詩 尊手指蠟燭曰汝可速賦之

尊言未了賦曰玉殿沉沉冬夜長九枝繼晷影燭

煌寒花添得 德輝美一抔紅雲遶建章 恩言

鄭重嘉之感之乃拜 命之辱退出

二年乙丑 先生四十二歲 傳 官命日 公事頻繁居宅最

遠因於城下可賜之也先生拜 命之辱也再 命日先

頃所賜宅其地矮狹故賜八重洲河岸荒川出羽

守舊宅厦屋所存千坪餘經月從忍岡移所賜之

宅衆皆安居厥後有 命講詩經于 御座三四



回 台君聽之 恩賜數多不可枚舉今年十二月二十八日長男春宗易簣享年十六歲先生驚嘆寢食不快

三年丙寅 先生四十三歲

四年丁卯 先生四十四歲 二月十一日老臣傳 命曰汝奉上之勤不怠侍講之勞有益故今追家號稱弘文院學士而叙法印位十一月二十三日側室產男子稱百助

元祿元年戊辰 先生四十五歲 十一月二十一日 台駕詣

忍岡 聖廟 先是忍岡之居宅自公修補之 出 廟過書院依

命講堯典講後 大君自奏舞曲老母山妻二男

一女有 恩賜其餘有所獻有所 賜皆曰希世

盛事也其後撰日召 御座之間賜 饗 先生乃作御詣

私記 自今歲至庚午 台駕每年詣 聖廟 獻賜

之事悉如舊例

二年己巳 先生四十六歲 二月二十一日息男七三郎 時九歲

迨 詣 聖廟之期而始執謁于 便殿忝召

御前 手自賜縮緬五卷印籠全具且拜戴乾屨

三年庚午 先生四十七歲 獻新板鵝峯全集 七月九日老

臣列坐傳 命曰忍岡 聖堂在上野境内且尾

陽故丞相所建也 台慮有所不安是以欲撰曠  
 清之地而新建 聖殿乃以松平右京亮輝貞為  
 造營奉行以峰須賀飛彈守隆重助造營之事詳見  
 別及十二月有上棟之儀乃名地曰昌平坂名橋  
 曰昌平橋 御手書大成殿三字揭之

四年辛未先生四十八歲正月十三日 尊命曰今般 聖

堂新成撰日可遷座向來結髮更衣任諸大夫叙  
 從五位下為大學頭衣著可為御小性組番頭次皆以  
 為儒風興起之瑞門下生以先生推舉勸學業者  
 列官衙輩束髮者多與食侯門  
 者亦  
 如此二月七日有遷座之儀甚嚴重別記自是  
 詳之

台駕見 祭儀數回 五月先生講胡傳全終  
 九月十三日七三郎定實名曰信充時十自是先  
 一歲生講禮記

五年壬申先生四十九歲

六年癸酉先生五十歲二月祭儀之後於昌平 便殿獻

劍馬七三郎信充拜 台顏二男百助信廉先是  
 定實  
名有故 亦獻劍馬拜謁 先生嫡室子皆死側室子  
 改信替 而已故一男七三郎二男  
 百助 七三郎自今秋勤祭儀 二男百助七歲  
 也 故不預其儀也 有

命群侯群士拜見隊頭衛諸門御目付指揮諸事每  
 度如此有講釋有饗  
 應有舞曲今年蘭娘先生長女時  
 十五歲也嫁娶

事以石野氏福嶋氏為媒价告老臣經月有命  
日可嫁銅島内匠

七年甲戌先生五十一歲九月二十二日 大君率騎從入

昌平坂 實尊母桂昌院殿恭詣 聖堂 大君

導之 尊母獻倭歌及奇南一枝於 聖前拜禮

悉觀祭器 命先生及七三郎有 恩賜父子共

講後又有 恩賜 大君亦有 御講有舞曲別事

詳記

八年乙亥先生五十二歲四月蘭娘產男子不待一臘而夭

九年丙子先生五十三歲先生使信元致石鼎稱曰才力進

于曩時時信元十六歲

十年丁丑先生五十四歲 台駕拜詣昌平坂 聖堂自辛未至

今年七度詣忍岡廟三回

十一年戊寅先生五十五歲東叡山中堂新成近頃 勅額

來璫璫殿三大字九月六日入江戸時數奇屋町火起大

風甚急先生居宅危急幸而免矣忍岡別莊悉為

烏有且昌平坂亦幸免火災先生喜兩地存嘆忍

岡災未幾為 官地替賜牛籠改葬諸墳墓忍岡者自

寬永庚午至今 臘月賜白銀三十拾枚蓋賜御褒美之初也此後

為例

十二年己卯 先生五十六歲

十三年庚辰 先生五十七歲 先生講感興詩其後講程傳是

年日色赤而無些光輝白晝星見日有暈其形圓

大其色薄黑外邊白成緣十一月 大君右易講竟

宴矣信元 時二十歲 亦許拜聞講後諭先生 命曰今日

竟寡自祝自喜全依汝力故加二百石信元亦賜

時服 大君御講員數總二百四十座 且先生講堯曰于黑書院了

庚午之年始坐講席每月一會至今凡十一年無一座缺

十四年辛巳 先生五十八歲

十五年壬午 先生五十九歲 三九從一位光子贈緋袴于五

九女玉 五九者後號瑞春院 賀州宰相嫡子松平又左衛門

利興贈綿五十把黃金馬代執師資之禮于先生

於信元亦然

十六年癸未 先生六十歲 信元納畠山與兵衛女玄子為

室 今年二男百助半元服 十一月二十二日

丑半刻大地震欲起顛倒屋檐在地危急艱難殆

免其死松平讚岐守賴常每日給飯肴酒菓不絕

大變經日大火炎炎 聖堂烏有乃降 恩命曰

可再造 聖堂

寶永元年甲申 先生六十一歲 命伊達遠江守宗賢使再造

聖殿信元信廉共列布衣于時堂成奉遷 聖座

然信元以服不會 今年十月十二日信元妻掩糝謚恭和孺人詳別記 大

君以 甲府公為養子

二年乙酉 先生六十二歲 大君喪 尊母 桂昌院殿大君實御母也云云

七月朔日先生喪實母 倉橋氏私謚貞良孺人

三年丙戌 先生六十三歲 先生曾使畫工圖肖像揮筆加贊

以為壽藏自今年有 命信元信智勤輪講于黑

書院代先生之勞自是時時登 城接 御座右

恩賜

四年丁亥 先生六十四歲 二月朔日信元信智共賜學問料

三百俵同月二十五日 儲君詰 聖堂右 恩

賜先生并戴之信元信智亦然 是後庚寅之年奉幣而御手獻酒而奉祝也

五年戊子 先生六十五歲 召先生及信元信智定日 六日十日六日九

六於儲君側講中庸論語孟子

六年己丑 先生六十六歲 正月十日 常憲尊大君薨諸人

驚嘆松平美濃守傳 儲君之 命告先生曰三

十年來 公事埤益可謂勞矣自今以後信元信

智每登 營出老臣聽政之席可視 官事卿其

進退可任心也十六日先生書 憲廟贈官位謚

號數字于石蓋 先生曾有書石蓋之上 命 二月九日 憲廟

之御臺淨光院女王逝去今年先生造三哀堂于  
二瀨村 先生之實伯父敬吉亡  
兄穎定亡嗣雞峯也 共繼家之任也然  
不幸短命故稱三哀今年與小笠原佐渡守 老臣也  
議 御條目信充信智亦預之

七年庚寅

先生六十七歲

今年於御休息間講筵有

恩賜

兵依 命曰聖門之仰高入德杏壇三額字凡筆所揮  
不可挑於 尊體之上也可使持明院基時書之故  
持明院參向之次來于昌平坂見之 今年 御條目  
信充高聲讀之 御朱印亦此時也然  
寺社 御朱印未成 先生請致仕  
不許

正德元年辛卯

先生六十八歲

朝鮮人來聘新儒咨詢新法異

古先生及信充信智傍觀腹談

朝鮮信使以下十  
姓名在別紙

月來十一月歸國

新法雖藉 朝威  
聘使不敢信從也

二年壬辰

先生六十九歲

二男信智婚姻別賜居宅三河町

後又與他人代移

十月

文昭尊大君薨事皆如例老臣

執政擁

儲君鍋松君兵今年信充無子置側室石

川氏

名紋女後  
改深女

三年癸巳

先生七十歲

信充兄茅賀先生七十今年鍋嶋

内匠側室產一女信充側室亦產一女

稱待女  
翌年卒

四年甲午

先生七十一歲

五年乙未先生七十二歲十月二十三日先生室卒私謚定肅孺人

信元信智齋居行喪

享保元年丙申先生七十三歲四月晦日有章尊大君薨

紀州中納言吉宗入城繼世盖文昭公之遺

命存故也先生乃近候新君側咨詢頻繁有

懇篤之命自是不絕天運循環為道為家珍重

七月將軍宣下事有之

二年丁酉先生七十四歲有命改御朱印今年正月有

火信智宅罹災七月信元二女文娘夭母同于待女乙未之年誕

生今年三歲從朝鮮國有來聘使之報矣故命其事務

于先生及信元信智且言先生曰汝身老起居衰矣

悉委二子然附心眼可造之信元信智屢與老臣并

上河內守正岑議定信元頃間荷疾然勤之不怠

三年戊戌先生七十五歲信元依病賜暇湯治于相州塔澤

歸來全快先生歡抃

四年己亥先生七十六歲十月朝鮮人寓東本願寺先生信

元信智共依命早朝入彼寺議其事詳于御返別記

翰老臣及京師尹返翰先生及信元草之

五年庚子先生七十七歲信元閱御庫所藏訂定書目有

恩賜

六年辛丑

先生七十八歲

四月十八日信元側室產男子

稱泰

助十三歲執謁十八歲賜月俸列布衣改名內記也

先生勸拊不翅今年信

智女傳

天加賀宰相賜脇指

延壽國時

于泰助信元行

奉謝之

七年壬寅

先生七十九歲

八年癸卯

先生八十歲

二月九日信元任大學頭從五位

下先生任大內記自是信元為祭酒

九年甲辰

先生八十一歲

閏四月先生致仕

官許七月信

元修家督之禮

所賜信元三百俵為先生隱居料

先生雖致仕有

命曰登城可任心

十年乙巳

先生八十二歲

大君

尊男長福九元服任大納

言叙從三位

辛卯誕十五歲

先生賜實名于泰助稱信言

十一年丙午

先生八十三歲

信元側室產女子

稱滿女後稱美代女巳未

之歲嫁為石川監物室庚申生男卒十五歲

十二年丁未

先生八十四歲

十三年戊申

先生八十五歲

四月

大君詣日光山信元蒙

供奉之命六月二十四日先生側室沒

七十二歲私謚龍水

人信元信智齋居行喪

十四年己酉

先生八十六歲

十五年庚戌

先生八十七歲

今年信元五十泰助賀之



十六年辛亥先生八十八歲書米字獻 官家各有 恩賜

四月十六日信元二男生初稱助二郎改主馬

十七年壬子先生八十九歲正月二十三日先生中風發無

言經日少快二月信元側室卒石川氏五月二十九

日近臣有馬兵庫頭氏倫加納遠江守久通依

台命傳尺牘問先生疾病即刻信元赴兩官宅奉

謝 命之辱此間寺社奉行黑田豐前守直邦兩

回相訪其餘侯伯士林多來格六月朔日先生沒

于正寢臨終而授一首于信元信元哭泣見之其

詩云齡頹氣疲欲言難言幸遇 明主深懷顧恩

新建文廟興起儒門習誦城市來學尋源世業勿  
忘孝子慈孫不墜家聲早告亡魂三日信元齋居  
行喪葬牛籠別莊神王檀等悉命家司及啓事

朝散大夫內史鳳岡林先生年譜 畢

*[Faint bleed-through text from the reverse side of the page]*

朝散大夫內史鳳岡先生林府君行狀

男 朝散大夫國子祭酒林信充

謹撰

府君姓林名贛字直民一名信篤初稱春常其號  
鳳岡又修整字世譜係加州祖民部卿羅山林忠  
字之信父治部卿弘文院學士鵝峯林恕字之道  
各有集傳世母貞良孺人倉橋氏府君以正保元  
年甲申冬十二月十四日生于江都幼有大志通  
念經書耽嗜詩律就兄春信學寬文丙午春信夭  
卒有梅洞集府君時年甫二十三代父統諸生以  
詩禮爲任研精勵志手不釋卷實

嚴有廟之十六年也初春信聰敏絕倫名傾一時府君終日謙遜如駮者然蓋不欲其聲聞差於家兄也於是神采煥發處事如流人始知其有弘量而服焉嘗從閣老祗役日光山鵝峯承命修撰本朝通鑑分附永亨以來於府君書成上延寶庚申鵝峯卒府君襲職祿在家塾說書五經都遍事聞閣臣奉旨褒之屬天貞之際府君學成道全會

常憲廟膺大位超擢華近以備顧問其待之非諸臣之比府君日講四子六經周諄詳悉有堯舜我

### 君之志

上心明睿天縱之學日進親講經書必使府君進講義及問在庶政也府君正色陳事無毫不直雖觸忌諱弗恤也若有天變則

上深自戒慎前席訪徵應府君援引古昔論說天人或筆上之

上意每賴焉凡啓沃之道輒動英衷至文綺珠玉之賜殆無虛日也家藏上札大字不少曾手畫孔子像書生民以來未有盛於孔子也之語於其上賜之先是遵父祖之例任大藏卿賜弘文院

學士自天正以來儒者祝髮如僧道未入品流有  
特旨 命府君束髮改服叙從五品下任大學  
頭於是天下書生無髡髮者人皆以變夷之功屬  
乎府君也元祿庚午六月

上臨于黑書院 親講大學經一章訖 命閣臣及  
羣下曰文武之輔世也如車輪闕一不可治乎百  
年臣子或輕悍闇於忠孝今 親講之後 命林  
信篤繼講經傳凡百官僚宜從事於此往欽哉自  
是府君每月一次講經黑書院閣老以下及百執  
事蒞聽終而復始至寶永丙戌凡十有七年迨府

君之老更 命余兄弟繼其事至今不廢云我  
朝廷有此儀者實自府君始也四海風動學化隆  
興舉世無不敬府君侯伯或致擁篲之迎或修束  
脯之禮貴賤長幼干謁無休園池器畫之詩文遍  
乎海內門生塾徒升公朝廩諸侯府君之垂蔭深  
矣羅山以來宅城北上野尾陽源敬公助建孔廟  
林氏世奉之私祭其地連佛宇梵唱傳響緇徒接  
迹

上惡之元祿四年辛未大興土木移廟神田之西下  
令定爲官祀使府君掌之樓閣架空簷廡耀日

英翰題大成殿三大字於榜上附祀田千石設館延學子春秋二奠以興

上三臨視之禮畢上堂拜孔子至行殿講經訖府君講經訖散樂興

上歡甚或親起舞恩賚廣覃子弟事見府君所著釋奠記爾後年年以春時

車騎至孔廟必拜四方諸侯承風或視奠或行拜府君謂人曰鎌倉氏後興者數矣未聞宗文重道有如此者乎林某何人耶當盛際叨重任顧惟學淺識陋未能肯荷深負

上心也所愧多矣雖然自今以往使聖人之道顯赫我邦移風易俗爲臣忠爲子孝家國富俊秀之士則必以今日爲始哉信篤協贊其事勩禮興樂未無一日之勞老郭隗不患無辭於後世也

上一月三次講周易本義於內朝群下欽聽凡八年庚辰講畢賞府君贊助之功進采地癸未孔廟火府君泣請

上感其至誠聽再建官費不貲營築亟成堂宇庠序一如故先是述

神祖之創業撰武德大成記參酌舊章造服忌令皆

奉旨也又梓鵝峯全集二百四十卷納諸官庫  
寶永乙酉喪大孺人哀毀殆不勝已丑之春

上棄群臣府君哭籲于天泣血數月日信篤懷不世  
之遇致輿隸之勞二十餘年如一日何圖駑蹄之  
効未立龍髯之期俄至區區形骸寧足復存哉久  
之嘆曰四時之序成功者去我其當之矣遂將讓  
事余兄弟

文昭廟卽位頻乞致仕以名望之故不允每月於  
便殿講經賜絲服於是府君不克遂志自折繳繳  
之節在仕隱之間人無背言庚寅之秋

上詣孔廟親祭之府君陪焉初爲

世子之日進諱字朝鮮自慶長致款值我東都

新王當位則必慶信使來聘朝廷命林氏掌

文事國書及相臣答書皆出其手始羅山迨府君

鮮人雷滯江都客館一月許使儒臣往會焉府君

天和二年接鮮使詩賦唱酬紙筆交飛彼嘆世業

之美許無雙之目正德辛卯聘使至府君在朝位

讀彼國書赴客館賦詩贈答既而逢賓天官使

府君就山陵書誌石乙未固請骸骨是時

有章廟雖幼冲輔臣傳旨挽雷事寢享保丙申之

大喪復書誌石

今殿下入嗣 世統首召府君每侍便殿屢蒙咨詢  
府君對問無私唯謹爾今年與有司磨勘諸國封  
建之寶蓋每 國家易

主舉斯典我家任其事常如此已亥韓使來聘 命  
府君一由天和壬戌例行事癸卯之春 命下使  
余掌孔廟祭祀任大學頭府君爲大內記明年甲  
辰遂致仕官銜如故別賜養老廩米若干時年八  
十一余襲祿職於是府君歲月之情願足矣自號  
拙拙翁又號徐于子盤桓自適不問外事旣而有

旨爲

嗣殿進 諱字此後屢召賜衣帛朱邸金閨侯伯士  
庶溫存沓至不能一於間也辛亥府君齡八十八  
國俗至此歲則書米字相遺蓋贈人以壽福之意  
也府君亦不得已有此獻

殿下悅賜帛勞之

嗣殿及兩公子亦然是冬甘露降西城

嗣殿有 大婚之慶府君獻詩上頌余身信智夙顯  
于朝余男信言十二歲已就外傳受書其季助次  
郎及女滿常嬉戲於祖側壽者清福府君在焉今

年壬子正月罹寒疾藥鍼不効踰月不愈困憊如  
睡到閏五月季疾革六月朔

殿下 命近臣降書問病余傍牀讀之府君雖口不  
能言微開目若有拜謝之狀其夜遂瞑于馬場先  
門外賜第之正寢壽八十九余兄弟及門人私議  
謚曰正獻先生五日葬牛籠別莊先塋之所在也  
儀一遵文公家禮府君娶畠山民部正信女先卒  
謚定肅孺人生惠號雞峯有奇質歲十六物故次  
子藤松及女梅繼殤貳室內田氏亦先卒舉二男  
一女男者余信充與弟信智也女者嫁肥前侯族

鍋島內匠長之於是遠近奔哭貴賤驚慟咸曰天  
何棄我國老之速也余輩殯斂之頃開座右巾笥  
而觀之則有詩二首曰緇帷認跡廟前林長使家  
風傳德音國子賜名恢祖業莫忘

明主舊恩深又日齡頽氣疲欲言難言幸遇

明主深懷顧思新建文廟興起儒門習誦成市來學  
尋源世業勿忘孝子慈孫不墜家聲早告亡魂余  
與子弟讀之乃知預有此作也遺教丁寧手澤淋  
漓罔極之恩益切不肖之感偏至慟哭悲咽不堪  
永慕哀哉哀哉嗚呼府君身承遺緒門稱儒宗順



風之呼似易矣然入親

人主則未必無貝錦之惕出接收伯士大夫則或能來苞苴之譏國子諸生五方而集奇俊者多隄齧庸愚者流淫昏學兼和漢而後可參政令韻脩雅俗而後可蹈朝班爲儒者亦難矣哉府君處之百事得當綽綽乎有餘裕非其才之大則不能也元祿之初府君把抱令天下聲氣之所及通邑大都固無論幽荒遐陬出才子何啻千萬而後各開門戶好相齟齬側目林氏者往往而有府君不敢較曰學問之道豈一人之所私哉譏我者藥石我也

可使前人無遺珠則後人之寶焉在以 國家文明之化致有此輩

上之賜大矣若夫異學廢孔孟也則我應告官聲罪耳其餘非所數也人嘆其量之大弗可及也林氏世宗朱子至府君尤篤而謙恭之性深慎著書其言曰輔聖道維世教者莫如閩氏來者讀其成書足矣吾豈喋喋倣小孺子所爲生枝葉耶故所筆無全書如其四書及易詩書講義者奉 命撰述秘不世傳家無其稿府君質性素朴日用太簡衣食以至器物絕無華飾愛封邑之民如赤子水旱

疾疫加意撫焉民亦愛上無所逋負租稅之入常足故終府君之世家無困色天正時冷泉之族藤肅字歛夫號惺窩先生講學洛陽實爲朱學之前茅羅山事焉惺窩卒無嗣祀廢其墓在洛相國寺普廣院府君聞之附義田金若干於寺僧使歲時之享不絕其惻怛之誠多類此其在家也昏且拜王出入必告有事必告墓祭竭誠雖風雨雷震不變嚴範御家義方教子使令之徒肅如也然有時樂易愷悌誘人以善其在外也雖公侯之貴不屈已守雖一介之賤能盡我心聞人之善非啻口出

見人之不善躬自省之故知與不知皆憚其風軌也居恒愛花卉逢隆冬挿剪綵於瓶中左右之雖性惡旨酒遇清風好月則微醺而吟詠暇則羅古畫名帖而娛樂學中諸生聰俊卓異及貧窮無資者分官俸給之若夫其性行奇袤者代夏楚以危言不改則遣之家固多藏書至誠嗜學者借之不吝詭譎無行者否府君之爲人也不念舊惡雖諸生時有離附任其所爲曰來者不拒去者不追悠悠哉東海之水也聽者爲之釋然嗚呼嗚呼府君以才以德翱翔軒廊儀表庠黌七十有餘年于茲

聲位不渝壽福俱全孰得謂之非一代之偉乎哉  
 其履歷具歲月之細別有年譜今第表章章者請  
 銘君子云爾

享保十七年壬子六月

朝散大夫內史鳳岡先生林府君行狀 畢

朝散大夫內史鳳岡先生林君碑銘 并序

中大夫丹治直邦 撰

先生姓林名鷺一名信篤字直民號鳳岡江府人  
 也祖號羅山父號鵝峯母倉橋氏曰貞良孺人先  
 生英明超倫名聲益世歷事

五君內贊謀謨外造號令就中

憲廟時恩遇日加寵異歲增任國子祭酒創建孔廟  
 於昌平坂祭祀不違時

殿下親臨數回側造 行殿每設饗宴恩賜無算舉  
 世慕德遐邇接踵車馬填門年及八十告老靜居

傳業二子自安然其寢矣八十九歲享保十七年  
壬子六月丙辰卒其令聞令望行狀所詳可得而  
畧也嘗顧命曰吾沒碑銘當請丹中大夫也於是  
二子泣而告之吾與夫子相好不敢辭焉遂爲之  
銘其辭曰

言不可已實惟迫情碑誄之立示爾雲仍德其固  
有教由典刑源潛流遠本立道成崇基隆哉惺窩  
先生遐維絕絕恢啓太平羅山峩峩博知叡明交  
喪復古文獻足徵鸞峯峻峻奕葉大鳴讀耕豐熟  
梅洞薰盈家林聯璧芳園蜚英鳳岡應期周鼎以

興先生時遭乃得其名溫和慈惠朴質忠貞薄身  
厚志好古恐榮手不釋卷義不厭精翩翩詩賦玉  
振金聲彈冠泣事規模遠宏本朝通鑑取法麟經  
貞享以降式贊權衡洙泗之風頽敗日久雙樹囊  
螢禪房開牖先生新拜國子祭酒冠服始儼絳袍  
藻綬遠近懷德束脩禮存侯伯權貴結駟造門春  
秋祭祀惟恭惟享升降周旋樂音餘響

殿下親臨屢觀祭儀側造行殿來燕來宜例講經  
義珍瑰奇玩玉帛酒肴庭實粲粲大德揚名享福  
延壽先生三全顧是天祐物之有終天地無遁陰

陽消長四時行健八十九齡奄殞厥命戰戰兢兢  
保身全性謚曰正獻遺言求銘吾與夫子義貫丹  
青豈敢辭諸慟哭薦臻悲風入衣淚雨霑巾自今  
而後與誰咨詢勒銘于石用啓後人

享保十七年壬子七月乙酉朔

*[Faint bleed-through text from the reverse side of the page]*

賦一律追祭奕葉方外信友儒宗內史鳳岡林  
先生伏望尚饗

左街僧錄司乾巖元雄

名遂功成今易箒藏書萬卷遺孫謀談姬說孔開蓋  
奧馳宋驅揚隨興游翰苑月殘人不見玉堂雲鎖道  
焉廋兩家並世從興業奕葉交情膠漆投

今茲內史林叟俄然易箒如予輩通家之舊識  
不禁追慕為賦挽詞一章

典藥頭橋方教

美名故應大夫招意氣從容陪 五朝官佩早添金  
馬絃儒冠也插侍中貂人間豈斗斯文喪天意相関  
使魄消往事悠悠求不盡由來海內識風標

蕪辭一百韻謹奉挽老師故國子祭酒鳳岡林  
先生

門生桂山義樹

洪乾除殺運 太祖定神州茅社新刑馬桃林初放  
牛戈鋌隨地息玉燭自天求雲散奎星宿日升若木  
洲醉臣猶擊柱 賢王厭操矛北肉今文勝東家古  
道丘傳終歸夕巷幣已到羅浮幕裏數前席案邊或

借籌民黎皆挾冊晚俗漸焚油皖簣畢君事青箱貽  
我謀群鷺籠發處孤鳳彩成秋跨竈其才大肯堂此  
器由嫺和交族屬勇邁茂公侯剛望申振慾富非端  
賜游圍供耳毳具內助櫛巾修經義湖濂洛禮容踵  
魯鄒藏書十萬卷固鑰幾重樓詞賦香山調辨論脩  
耳迷總龜譜故典頰尾出深鉤國士憤尸祿醇儒愧  
贅旒隸宵鱣潑潑授讀鹿呦呦 明辟嗣昭服英風  
挹舊猷徘徊官殿邃侍從寵光優晨給程唇食暮加  
孤腋裘玄成言最直正叔力誰勅結髮易冠帶挺身  
入品流宰樞猜忌起貴倖謗誹稠粹耀蠅堪點葦菲

鬼暗揄追趨心款款謹敬貌悽悽誠意惟剗膽歡顏  
再轉眸官僚偕革面怨耦不爲仇昔是杏壇境僻哉  
梵宇阨朝中聽卜吉水滸得相攸工部輸梁棟役夫  
伐荻菝屋烏驚爽塏簷雀漫喧啾煥矣檻軒色粲然  
俎豆羞一王宗衮冕五等繫驂驪旁午有司走上丁  
厥祭醜莫楹昌爵鬯奏樂響琳球揖讓執籥肅登降  
戴弁侏勿云欽彤蟹豈敢比貆臍白虎通疑議綺筵  
舌尚柔金雞陪曲宴鑑錄思如抽嶽嶽寧崩角其其  
任扼喉謹譁瓦礫擲媚婉瓊琚投應異滑稽朔好喻  
揮制劉赤符當撰著紫閨却穿窬災考頻頻獻講章

密密收春湖俄鑄鼎泉隧忽牽輶骸骨疏偏切榮華  
筆速句勸諭多挽掣擬准亦淹留號假河陽拙間  
憐表聖休懸車愈鑣鏢植策更夷猶淵默龍推李徐  
于蝶作周絳年勞筭步曾廩免鋤耬花逕霜侵履茶  
鑪雪滾甌冥飛離戈雁長往識機鷗聞桂柱玄塵看  
松臥綵堦靜辭懷刺客達笑守錢囚物換致仁獸肩  
來探潛虬蓋忠增抗厲盛眷益綢繆眉壽樽羅蟻  
眼方杖刻鳩庚申冤那愬辰已病難瘳倏度梅陰候  
慘興薤露愁黨朋同悼郭徒矛類悲涪遠甲煩烹鯉  
近哀篋騎驪妖氛凝漠漠霽雨滴瀏瀏遺愛視庭樹鍾

情存海槩詩教囊底蓄手澤篋間遭噩夢輿逢西凶  
占舍止鷗寂寥迷接浙恍惚怪乘桴臧獲泣盤饌孺婢  
撫枕疇卑卑談嗜好象戲對紋楸唧唧敘康健益珍  
進漣漪坐知張詠化去伴傳霖壽魂魄銘旌炫兒孫  
衰幅徇曳棺爭舉紼築墓廣誅藉表土踰三尺繚垣  
護一抔香煙歎氣合觴瀝淚痕侔可忍鄧都邇所嗟  
蒿里幽總麻足野哭杵臼閑鄰謳令卒無封禪尉亡  
失校讐殘編咸惋惜隻字盡蒐搜繁綴桑條繭巧縱  
棘末猴須要宗叶暢奚用慕荒悠捆載百擔橐快驅  
萬斛舟砌階蘭正秀廊廟器俱尤積善徵餘慶養材

超匹儔沂雩參並哲漢史固兼彪印綬二千石門扉  
丈八溝純陽原碩果茂蔭始顛粵鴛蹇笈遙負羹墻  
衣早樞時乎遭伯樂頓爾拔鞮鞢鴛薦恩雖厚鮒呼  
命暫偷唔呬嘗鄭訓侍立輒髡髻只慣柳川興翻罹  
苦塊憂眠醒殷咄屢痛極楚些脩黯黶雷霆震蕭騷  
穹灑挈信碑憑藁腹窳絕刀頭奉誅伏阡側精靈  
能格不



*[Faint bleed-through text from the reverse side of the page]*

鳳岡先生全集後序

學之道也博矣豈啻若區區  
乎一藝之謂哉窮宇宙之廣  
大識古今之事變明乎天道  
盡乎人理約焉而得其要以  
見諸行事遂成其業者自古

鳳岡全集 後序  
而來蓋寡矣而其成功則才  
與時也已才也非時則不成  
而時也非才者不能焉所謂  
寡者不亦宜乎若夫不遇時  
徒弔詭以求聞達者賤矣我  
祖故國子祭酒鳳岡林先生

者其性剛直爲人明敏學繼  
父祖之業溯洙泗之淵源覃  
志典籍潛思六經徧窮諸子  
百家之言長於  
清穆之世浴於  
醇和之澤先生言聞於

上教及天下此非所謂得才  
與時赫赫乎當世者乎非耶  
其事業成功者畧具于家君  
之言不敢贅焉先生卒也家  
君編輯其遺文俾愿訂之以  
上梓其詩六千七百首其文

八百五十五首先生於文辭  
未嘗無其用豈其徒哉而其  
體尚辭達蓋出乎不獲已也  
今茲剞劂終功凡一百二十  
卷名曰鳳岡先生全集以次  
羅山鷲峯二集傳之不朽云

嗚呼哀矣 愿 幼侍先生之側  
 蒙先生之撫育未及志學而  
 永訣焉慈愛之恩體心教誨  
 之言存耳讀其書對其研垂  
 涕泣以筆乎斯 其 澣不肖孫  
 元文四年孟夏上澣

經筵講官林愿再拜謹撰書



鳳岡先生全集跋  
 鳴呼此先考鳳岡直民甫之集也計  
 一百二十卷詩若文七千五百五十  
 五首士僖兄輯之而為之序以銀諸  
 梓而一家之文章詞賦於是乎可見  
 矣惟夫先考家世翰林身在國子講

鳳岡先生全集跋

鳴呼此先考鳳岡直民甫之集也計  
 一百二十卷詩若文七千五百五十  
 五首士僖兄輯之而為之序以銀諸  
 梓而一家之文章詞賦於是乎可見  
 矣惟夫先考家世翰林身在國子講

遇


聖朝聲名籍甚得壽八十有九顧著述之寡人或怪焉雖然先考之學其所志者在經綸時出緒餘以爲文章至于詞賦則頃刻數十言數百言有精有麤而已故自少壯及老大之間

槩不存稿如其奏疏之類又秘而不遺詳見兄之序中豐侯拾遺中大夫丹治公與先考交久相好而誌先考墓亦不專以文章詞賦稱可謂知先考之志也蓋有一家之文章詞賦有一代之文章詞賦一代之文章詞賦

鳳岡全集  
三  
繫乎時一家之文章詞賦存乎後何  
則漢魏之文章詞賦止於漢魏唐宋  
之文章詞賦止於唐宋此一代之文  
章詞賦也白樂天文章詞賦雖典則  
爾雅未足庶幾而白氏門風流于海  
外百道判新樂府之作則後尚傳誦

焉此一家之文章詞賦也自今觀之  
先考之所著述過三千首奚讓白氏  
而乃祖羅山子信甫乃父鷺峯之道  
甫既有集而刊行慶長元和以來實  
國家太平之極林氏三世不乏文章  
詞賦漢魏唐宋之諸家罕比之者耶

乎嗚呼此集也固一家之文章詞賦  
而一代之文章詞賦亦於是乎可竊  
見矣曰跋



元文四年己未臘月望日



小子林信智拜撰

國學書生後藤世鈞謹書





延享元年甲子冬十月吉辰

皇都

出雲寺和泉椽元矩刊行

